



Projekat finansira Evropska
unija



Empowered lives.
Resilient nations.



U partnerstvu sa: Općina Travnik

**OPĆINA TRAVNIK U PARTNERSTVU SA RAZVOJNIM PROGRAMOM UJEDINJENIH NACIJA
RASPISUJE:
JAVNI POZIV ORGANIZACIJAMA CIVILNOG DRUŠTVA/NEVLADINIM ORGANIZACIJAMA
ZA PREDAJU PRIJEDLOGA PROJEKATA
U SKLOPU PROJEKTA REGIONALNI PROGRAM LOKALNE DEMOKRATIJE NA ZAPADNOM
BALKANU (ReLOaD)**

ReLOaD je regionalni projekat kojeg finansira **Evropska unija (EU)**, a implementira **Razvojni program Ujedinjenih nacija (UNDP)** u šest zemalja Zapadnog Balkana i to: Albanija, bivša jugoslovenska Republika Makedonija, Bosna i Hercegovina, Crna Gora, Kosovo*¹ i Srbija. Projekat je počeo 1. februara, 2017. godine i tokom naredne tri godine cilj projekta je dalje jačanje partnerstva između jedinica lokalne samouprave (JLS)² i civilnog društva širenjem transparentnog pristupa finansiranja organizacija civilnog društva (OCD) iz budžeta JLS u skladu sa strateškim prioritetima i potrebama stanovništva u zajednicama.

Odabrano je prvih 10 jedinica lokalne samouprave (JLS) sa kojima će se realizirati aktivnosti u Bosni i Hercegovini i to su (abecednim redom): Banjaluka, Bijeljina, Jablanica, Maglaj, Stari Grad Sarajevo, Teslić, Tešanj, Travnik, Trebinje i Tuzla.

Općina Travnik i projekat ReLOaD pozivaju sve organizacije civilnog društva (OCD)/nevladine organizacije (NVO) iz Bosne i Hercegovine da dostave prijedloge projekata koji su u skladu sa razvojnim ciljevima općine Travnik iz sljedećih prioritarnih oblasti:

1. Kultura i umjetnost

1.1. Projekti kreativnog izražavanja u muzici, pozorištu, medijima i folkloru.

1.2. Projekti podrške radu sekcija za djecu i omladinu (dramska, recitatorska, likovna, folklorna, plesna, novinarska i dr.)

2. Ekologija

2.1. Projekti koji promovišu odgovoran odnos prema prirodi i unaprijeđenju kvaliteta življenja.

3. Socijalna zaštita

3.1. Projekti koji imaju za cilj pomoći učesnicima i žrtvama rata, izbjeglim i raseljenim licima, starim i bolesnim osobama, djeci bez roditelja, hednikepiranim osobama, žrtvama nasilja.

3.2. Projekti u domeni psihosocijalne pomoći (savjetovanje i radionice i sl.)

4. Sport

4.1. Projekti fizičke kulture u predškolskim ustanovama i osnovnim školama, koji održavaju masovnost i socijalizaciju.

4.2. Projekti sportsko-rekreativnog sadržaja

5. Razvoj lokalne zajednice

5.1. Projekti koji podstiču veću participaciju građana u predlaganju i donošenju odluka na lokalnom nivou

5.2. Projekti koji podstiču veće učešće mladih i žena u društvenom životu

5.3. Projekti koji doprinose zapošljavanju mladih i nezaposlenih osoba

Iznosi sredstava za odobrene projekte će biti od 10.000 KM do 70.000 KM. Jedna organizacija civilnog društva može podnijeti više projektnih prijedloga s tim da je maksimalan novčani iznos sredstava koja mogu biti dodijeljena za implementaciju projekata jednoj organizaciji civilnog društva tokom ukupnog trajanja ReLOaD projekta (tri godine) 120.000 KM.

¹Ova oznaka ne dovodi u pitanje stavove o statusu i u skladu je sa Rezolucijom UNSCR 1244/1999 i Mišljenjem Međunarodnog suda pravde o kosovskoj Deklaraciji o nezavisnosti.

²Jedinice lokalne samouprave su općine, opštine i gradovi te Distrikt Brčko. Svaki od navedenih termina se može ravnopravno koristiti za potrebe projekta

UNDP zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadane kriterije.

Dužina trajanja svakog projekta može biti od 6 do 12 mjeseci. Izabrani projekti se trebaju realizirati u periodu decembar 2017. – decembar 2018. godine.

PRAVO UČEŠĆA:

Učešće u ovom javnom pozivu je otvoreno, na jednakim osnovama, za sve formalno registrirane OCD i NVO (udruženje/udruga ili fondacija), u skladu sa važećim zakonskim propisima u Bosni i Hercegovini.

Sve zainteresirane organizacije civilnog društva detaljne informacije o uslovima za apliciranje i kriterijima za finansiranje projekata mogu pronaći u Smjernicama za aplikante u okviru Javnog poziva.

PREUZIMANJE DOKUMENTACIJE:

Dokumentacija za prijavu na Javni poziv za općinu Travnik se može preuzeti **od 07. septembra - do 04. oktobra 2017.godine**, slanjem zahtjeva sa nazivom zainteresirane organizacije na e-mail: registry.ba@undp.org; semin.konjalic@opcinatravnik.com.ba ili lično preuzimanjem u općini Travnik, kancelarija br. 35.

Sve potrebne informacije i elektronska verzija cijelog paketa prijavne dokumentacije može se naći na web stranici: www.ba.undp.org, kao i na web stranici općine Travnik www.opcina.travnik.com.ba.

Informativni sastanak u vezi sa pozivom potencijalnim aplikantima za predaju prijedloga projekata „**Otvoreni dan**“ bit će održan u općini Travnik **21. septembra 2017. godine, u periodu od 10 do 12 sati u Velikoj sali općine Travnik**. Potencijalni aplikanti će tokom sastanka biti detaljnije upoznati sa pozivom, načinom prijavljivanja, kriterijima, itd.

Pitanja u vezi sa javnim pozivom se mogu postaviti putem e-mail adrese registry.ba@undp.org sa naznakom za ReLOaD projekat. Pitanja se mogu postavljati do **29. septembra 2017. godine**. Odgovori na upite će biti dostavljeni u pisanoj formi unutar tri radna dana od primanja upita.

PREDAJA APLIKACIJA:

Ispunjena aplikacija (sa kompletnom zahtijevanom dokumentacijom) se mora dostaviti **u tri (3) primjerka u štampanoj formi i jednoj elektronskoj kopiji (CD ili USB)** u zatvorenoj kovrti preporučenom poštom ili lično tokom radnih dana (ponedjeljak – petak), u periodu od 9 do 14 sati na sljedeću adresu, sa naznakom za ReLOaD projekat:

Općina Travnik

Ul. Konatur bb
72 270 Travnik
Bosna i Hercegovina

Rok za predaju aplikacija je **04. oktobar 2017. godine, do 14 sati**. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Vanjska strana koverta mora sadržavati naziv poziva za predaju prijedloga projekata, puno ime i adresu aplikanta, puni naziv projekta i navod **“Ne otvarati prije zvaničnog otvaranja”**.

O primljenoj pošiljci u općini će se voditi uredna evidencija i izdavati potvrde o prijemu.

Svi aplikanti koji su predali prijedloge projekata, koji su prihvaćeni ili odbijeni, biti će izvješteni u pisanoj formi o odluci u vezi sa njihovim prijedlogom projekta u roku od 30 dana od dana zatvaranja javnog poziva. Rezultati će biti objavljeni na: www.ba.undp.org, te na web stranici općine Travnik (www.opcina.travnik.com.ba), kao i na oglasnoj ploči općine. Organizacije čiji projekti budu odobreni će biti dužne da ih prevedu na engleski jezik i dostave donatoru prije potpisivanja ugovora.